


www.BibleForChildren.org


Genesis 1




Bar faraghavira God overiam
ko nguazimin ingarigha
aningin itir biziba bar
dagh amizima,
da otifi.




Faragha zuir dughiar kam,
nguazim e datirighin iti moghin
garir pu. Puvati. A bar pura
ikia egha an ganganim ighara.
Mitater dafam ongarir ekiaba
avarazima, Godin Duam
pura dipam gisin arui.



Ezi God kamaghin migei, “Angazangarim otogh.” Ezi
angazangarim oto. Egha angazangarim ziar kam,
“Aruem,” a gati.




Egha mitatem ziar kam, "Dimagarim," a gati. Ezi
aminim pirigha ua tirazima, kar dughiar bar
faraghavira zuim.



Egha gin God kamaghin migei, “Avavetam otogh dipam avinighti, dipam akuar pumuningin iki.” Ezi avaver kam oto. God avaver kam gamizima, a dipar pin itim ko apengan itim abiki. Egha God avaver kamin ziam, “Overiam,” a gati. Ezi aminim pirigha ua tirazima, kar dughiar namba 2.




Egha gin God kamaghin migei, “Dipar overiamin apengan itim sivagh mangi danganir vamiran uabi akuvaghti, nguazir misingizim otogh.” Ezi nguazir misingizim oto. Ezi God nguazir misingizir kam ziam, “Nguazim,” a gati. Egha dipar danganir igharazimin uari akuvaziba, a ziam, “Ongariba,” dagh ati.




Egha God bizir kabar gari da bar derazima, a bar akonge.




Egha gin God kamaghin migei, “Nguazim, temer guar aviriba ko nguazimin aver beniba ko dagheba a gisin aghung.” Ezi bizir kaba otifi. Ezi aminim pirigha ua tirazima, kar dughiar namba 3.




Egha God angazangarir ekiar pumuning gamizima
aning oto. Angazangarir ekiam, an aruem,
egha isiragha gara aruem in
angazangarim anidi. Ezi dozim, a
iak inim, a isiragha dimagarim in
angazangarim anidi.




Egha God mikovezibagh amizi
da otifi. Ezi aminim pirigha ua
tirazima, kar dughiar namba 4.



Egha gin God kamaghin migei, “Ongarimin aven, bizir angamira itir avtriba an ikiva a gizivagham. Eghti kuaraziba otivigh overiamin pin tintinibar mighi.” Ezi aminim pirigha ua tirazima kar dughiar namba 5.




Egha gin God kamaghin migei, “Nguazim bizir angamira itir guar aviribar amuti da vaghvagha gari moghiram an otiv. Egh nguibamin itir asiziba ko, ruarimin itir asizir ekiaba ko doziba sara damuti da otiv.” Ezi asiziba otifi.




Egha God kamaghin migia ghaze, “Datirighin e gumaziba ko amizibar ingarighti me en mirara ganam. Egh e me atighti, me en min iki, ongarimin itir osiriba ko, overiamin itir kuaraziba ko, asizir guar aviriba ko nguazimin itir biziba bar, me dar gan dagh ativagham.” Ezi God bizir kaba bar dar gari da bar derazima, a bar akonge. Ezi aminim pirigha ua tirazima, kar dughiar namba 6.




Ezi Ikiavira Itir Godin Gavgavim kamaghin ifonge,
gumazir a ingarizir kam Idenin Azenimin iki an ingar
an ganam. Kamaghin, ana isa azenir kamin aneti.



Egha Ikiavira Itir Godin
Gavgavim kamaghin
gumazim migia ghaze,
“Ni azenir kamin itir
temeba bar dar
ovizibar ami. Egh ni,
temer fofozir arazir
aghuim ko arazir
kuram anidim, an
ovizim aman bar
marki. Ni anemegh,
zuamiram ovegham.”



Egha Ikiavira Itir Godin Gavgavim nguazim inigha, ruarimin itir asiziba ko overiamin itir kuaraziba bar dar ingari. Egha kamaghin foghasa, gumazir kam ziar manaba asiziba ko kuaraziba vaghvagh dar arigham. Kamaghin, an asiziba ko kuaraziba gumazim bagha da inigha zui. Ezi gumazim ziaba isa asiziba ko kuaraziba vaghvagha me garighizi, dar ziaba kamaghira iti.



Gumazim asızir nguibamin itiba ko,
ruarimin itiba ko, kuarazir overiamin
itiba, ziaba vaghvagha dagh arisi.


Ezi guizbangira asızir kabar tongin,
tam Adamın akuraghamin roroatam
bar itir puvati.



Kamaghın İkiavıra İtir Godın Gavgavım gumazım
gamızı, an akuava onğani. Egha gumazım akuavıra
itima, a gumazımın ivir agharir mam inigha an
danganimın uam an inim a dukua. Egha
İkiavıra İtir Godın Gavgavım
agharir a gumazımın inizimın
amizir mamın ingari, egha
ğın amizim inigha
gumazım bagha zui.




Kamaghin, gumazim uan
ameboghfeziaba ategh mangi, uan
amuim ko aning uaningin porogham.
Egh aning inivafizir vamiram otogham.



God Otarir
bar vamira iti. Egha
God nguazimin itir gumazamiziba,
bar me gifonge. A kamaghsua,
gumazamiziba bar nighnizir gavgavim
an Otarimin ikiva ovengan kogh,
zurara itir ikirimirir aghuarim iniam.
Bizir kam bagha an Otarir bar
vamiran kam me
ganingi.



1



60



Rom 3:23 Gumamaziba bar moghira arazir kuram gamigha, Godin angazangarimin saghon ikia an aven mangan ibura.

Rom 6:23 Guizbangira, arazir kuram ivezim isa uan ingangarir gumamazibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikirimirir aghuarim. Ikirimirir kam, e uan Ekiam Kraiss Iesus ko poroghava a isi.

Hibru 9:27 Gumaziba bar dughiar vamiran ovegh egh gin Godin kotiamin otivam.

Efesus 2:8,9 Ia nighnizir gavgavim Godin itima, a uan apangkuvimin tuavimra ian akurvasi. Kar ia uari amizir puvatizir bizim. Puvati.



God pura ia ganingi. Kar ian ingarimin ivezim puvati.
Kamaghin bizir kam bagh gumazitam uabi uan
ziam fan marki.

Rom 10:9,10 Ni uan akamin kamaghin mikim suam, “Iesus
a nan Ekiam,” egh uan navir averiamin aven nighnizir
gavgavim iki, kamaghin fogh, God Iesus gamizi a mozimin
ua dikafi, eghti God nin akurvaghti, ni ikivira ikiam. E fo, ni
navir averiamin nighnizir gavgavim Iesusin ikiti, God suam,
ni nan damazimin dera. Egh uaghan ni uan akatorimin
suam, “Iesus nan Ekiam,” eghti God nin akuraghti,
ni ikivira ikiam.

Jon 3:16,17 “God Otarir bar vamira iti. Egha God nguazimin
itir gumazamiziba, bar me gifonge. A kamaghsua,
gumazamiziba bar nighnizir gavgavim an Otarimin ikiva
ovengan kogh, zurara itir ikirimirir aghuarim iniam. Bizir
kam bagha an Otarir bar vamiran kam me ganingi.”



“God uan Otarim nguazimin gumazamizibar jasin min me tuisighasa anemadazir puvati. A men akurvaghasa anemada.”

1 Jon 5:11-13 God ikrimirir aghuir zurara itim e ganingizi, e fo, migirigiar kam, a guizin migirigiam. Godin Otarimin poroghav itir tuavimin, e ikrimirir aghuir kam iti. Gumazamizir Godin Otarimin poroghav itiba, me ikrimirir aghuir zurara itim isi. Gumazamizir Godin Otarimin poroghav itir puvatiziba, me ikrimirir aghuir zurara itim isir puvati. Ia nighnizir gavgavim Godin Otarimin ziamin itiba, ia ikrimirir aghuir zurara itim iniasa, ki fuegha, kamaghin ki bizir kaba ia bagha da osiri.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Aruamu Bible (msy) © 2020 Pioneer Bible Translators This work is licensed under the Creative Commons Attribution Share-alike 4.0 license.

<https://www.bible.com/en-GB/bible/3007/MAT.1>

©2026 Bible for Children, Inc.

www.M1914.org

www.bibleforchildren.org

